

封神演義

內閣文庫		
番號	漢	17842
冊數	20 (6)	
函號	附	1 3

六



新刻鍾伯敬先生批評封神演義卷之六

第二十六回

妲己設計害比干

詩曰

朔風一夜碎瓊瑤。

丞相乘機進錦貂。

呂望回心除惡孽。

孰知觸忌作君妖。

剗心已定千秋案。

寵姬難蓋萬載謠。

可惜成湯賢聖業。

化為流水逐春潮。

且說比干將狐狸皮硝熟造成一件袍襖。只候嚴冬進袍。此是九月。瞬息光陰。一如撚指。不覺時近仲冬。紂王同妲己宴樂于鹿臺之上。那日只見彤雲密布。



凜烈朔風亂舞梨花。乾坤銀砌紛紛瑞雪。遍滿朝歌。怎見得好雪。

空中銀珠亂灑。半天柳絮交加。行人拂袖舞梨花。滿樹千枝銀壓。公子圍爐酌酒。仙翁掃雪烹茶。夜來朔風透窓紗。也不知是雪是梅花。颼颼冷氣侵人。片片六花蓋地。瓦楞鴛鴦輕拂。粉爐焚蘭麝。可添綿。雲迷四野。摧粧晚。煖客紅爐玉影偏。此雪似梨花。似楊花。似梅花。似瓊花。似梨花。白似楊花。容似梅花。無香似瓊花。貴此雪。有聲有色。有氣有味。有聲者。如蠶食葉。有氣者。冷浸心骨。有色者。比美。

玉無霞有味者。能識來年禾稼。團團如滾珠。碎剪如玉屑。一片似鳳耳。兩片似鵝毛。三片攢三四片。攢四五片似梅花。六片如六萼。此雪下到稠密處。只見江河一道青。此雪有富有貴。有貧有賤。富貴者。紅爐添獸炭。煖閣飲羊羔。貧賤者。厨中無米。竈下無柴。非是老天傳勅旨。分明降下殺人刀。

凜凜寒威霧氣禁。國家祥瑞落紛紜。須臾四野唯分變。頃刻千山盡是雲。銀世界。玉乾坤。空中隱躍自爲羣。此雪若到三更後。盡道豐年已十分。

比于多
事自懼
不測

紂王與妲己正飲宴賞雪。當駕官啓奏。比干候旨。王曰。宣比干上臺。比干行禮畢。王曰。六花襍出。舞雪紛紜。皇叔不在府第酌酒禦寒。有何奏章冒雪至此。比干奏曰。鹿臺高接霄漢。風雪嚴冬。臣憂陛下。龍體生寒。特獻袍襖與陛下禦冷驅寒。少盡臣微悃。王曰。皇叔年高當留自用。今進與孤。足徵忠愛。命取來。比干下臺。將朱盤高捧。面是大紅。裡是毛色。比干親手料開。與紂王穿上。帝大悅。朕為天子。福有四海。實缺此袍禦寒。今皇叔之功。世莫大焉。紂王傳旨。賜酒共樂。鹿臺話說。妲己在繡簾內。觀見都是他子孫的皮。不

覺一時間。刀剗肺腑。火燎肝腸。此苦可對誰言。暗罵比干老賊。吾子孫就享了當今酒席。與老賊何干。你明明欺我。把皮毛感吾之心。我不把你這老賊剗出你的心來。也不算中宮之后。淚如雨下。不表。妲己深恨比干。且說紂王與比干把盞。比干辭酒。謝恩下臺。紂王着袍進內。妲己接住。王曰。鹿臺寒冷。比干進袍。甚稱朕懷。妲己奏曰。妾有愚言。不識陛下可容納否。陛下乃龍體。怎披此猢猻皮毛。不當穩便。甚為藐尊。王曰。御妻之言是也。遂脫將下來貯庫。此乃是妲己見物傷情。其心不忍。故為此語。因自沉思曰。昔日欲

造鹿臺爲報琵琶妹子之讐。豈知惹出這場是非。連
子孫俱勦滅殆盡。心中甚是痛恨。一心要害比干。無
計可施。話說時光易度。一日。妲己在鹿臺陪宴。陡生
一計。將面上妖容微去。比平常嬌媚不過十分中一
二。大抵往日如牡丹初綻。芍藥迎風。梨花帶雨。海棠
醉日。艷冶非常。紂王正飲酒間。諦視良久。見妲己容
貌大不相同。不住盼睵。妲己曰。陛下頻顧賤妾。姦
何也。紂王笑而不言。妲己強之。紂王曰。朕看愛卿容
貌真如嬌花美玉。令人把玩。不忍釋手。妲己曰。妾有
何容色。不過蒙聖恩寵愛。故如此耳。妾有一結識義

紂王愛
色。妲己
便以色
動

妹。姓胡。名曰喜媚。如今在紫霄宮出家。妾之顏色。百
不及一。紂王原是愛酒色的。聽得如此容貌。其心不
覺欣悅。乃咲而問曰。愛卿既有令妹。可能令朕一見。
不。如己曰。喜媚乃是閨女。自幼出家。拜師學道。在洞
府名山。紫霄宮內修行。一刻焉能得至。王曰。托愛卿
福庇。如何委曲使朕一見。亦不負卿所舉。妲己曰。當
時同妾在冀州時。同房針線。喜媚出家。與妾作別。妾
灑淚泣曰。今別妹妹。永不能相見矣。喜媚曰。但拜師
之後。若得五行之術。我送信香與你。姐姐欲要相見。
焚此信香。吾當卽至。後來去了一年。果送信香一塊。

未及二月家聖恩取上朝歌。侍陛下左右一向忘却。方纔陛下不言。妾亦不敢奏聞。紂王大喜曰。愛卿何事。速取信香焚之。妲己曰。尚早。喜媚乃是仙家。非同凡俗。待明日月。陳設茶菓。妾身沐浴焚香。相迎方可。王曰。卿言甚是不可褻瀆。紂王於妲己宴樂安寢。却說妲己至三更時分。現出元形。竟到軒轅坟中。只見雉鷄精接着泣訴曰。姐姐因爲你一席酒。斷送了你的子孫。盡滅將皮都剝了去。你可知道。妲己亦悲泣道。妹妹因我子孫受此沉寃。無處申報。尋思一計。須如此如此。可將老賊取。秀遂吾願。今仗妹妹扶

持彼此各相護衛。我想你獨自守此巢穴。也是寂寥。何不乘此機會。享皇宮血食。朝暮如常。何不爲美。雉鷄精深謝妲己曰。既蒙姐姐擡舉。敢不如命。明日卽來。妲己計較已定。依舊隱形回宮入竅。與紂王共寢。天明起來。正是紂王歡忭。專候今晚喜媚降臨。恨不得把金烏趕下西山去。捧出東邊玉兔來。至晚紂王見華月初昇。一天如洗。作詩曰。

金運蟬光出海東。

清幽宇宙徹長空。

玉盤懸在碧天上。

展放光輝散彩紅。

說話紂王與妲己在臺上玩月。催逼妲己焚香。如已

愈是作
難糾
所以信
之更篤

曰妾雖焚香拜請。倘或喜媚來時。陛下當回避一時。恐凡俗不便。觸彼回去。急切難來。待妾以言告過。再請陛下相見。紂王曰。但憑愛卿分付。一如命。姐已方淨手焚香。做成圈圉。將近一鼓時分。聽半空風响。陰雲密布。黑霧迷空。把一輪明月遮掩。一霎時天昏地暗。寒氣侵人。紂王驚疑。忙問姐已曰。好風。一會兒翻轉了天地。姐已曰。想必喜媚踏風雲而來。言未畢。只聽空中有環佩之聲。隱隱有人聲墜落。姐已忙催紂王進裏面。曰。喜媚來矣。俟妾講過。好請相見。紂王只得進內殿。隔簾偷聽。只見風聲停息。月光之中。見

一道姑。穿大紅八卦衣。絲絲麻履。况此月色復明。光彩皎潔。且是燈燭輝煌。常言燈月之下。看佳人。比白日更勝十倍。只見此女肌如瑞雪。臉似朝霞。海棠丰韻。櫻桃小口。杏臉桃腮。光瑩嬌媚。色色動人。姐已向。前曰。妹妹來矣。喜媚曰。姐姐貧道稽首了。二人尊至殿內。行禮坐下。茶罷。姐已曰。昔日妹妹曾曰。但欲相會。只焚信香。卽至今果不食前言。得會尊容。妾之幸甚。道姑曰。貧道適聞信香一至。恐違前約。故此卽速前來。幸庶唐突。彼此遜謝。且說紂王再觀喜媚之姿。復覩姐已之色。天地懸隔。紂王暗想。但得喜媚同侍。

衾枕便不做天子。又有何妨。心上甚是難過。只見姐已問喜媚曰。妹妹是齋是葷。喜媚答曰。是齋。姐已傳旨排上素齋來。二人傳盃敘話。燈光之下。故作妖嬈。紂王看喜媚真如蕊宮仙子。月窟嫦娥。把紂王只弄的。魂遊蕩漾三千里。鬼遶山河十萬重。恨不能共語相陪。一口吞他下肚。抓耳撓腮。坐立不寧。不知如何是好。紂王急得不耐煩。只是亂咳嗽。姐已已會其意。眼角傳情。看着喜媚曰。妹妹妾有一言奉贖。不知妹妹妹可容納否。喜媚曰。姐姐有何事。分付貧道領教。姐已曰。前者妾在天子面前。讚揚妹妹大德。天子喜不

取出亦

自勝。久欲一觀仙顏。今蒙不棄。慨賜降臨。實出萬幸。乞賢妹念天子渴想之懷。俯同一會。得領福慧。感戴不勝。今不敢唐突。晉謁。托妾先容。不知妹妹意下如何。喜媚曰。妾係女流。況且出家。生俗不便。二來男女不雅。且男女授受不親。豈可同筵晤對。而不分內外之禮。姐已曰。不然。妹妹既係出家。原是超出三界外。不在五行中。豈得以世俗男女分別而論。况天子係命於天。即天之子。總控萬民。富有四海。率土皆臣。即神仙亦當讓位。况我與你幼雖結拜。義實同胞。即以姐妹之情。就見天子。亦是親道。這也無妨。喜媚

忘付聲

日。姐姐分付。請天子相見。紂王聞請字。也等不得。就走出來了。紂王見道姑一躬。喜媚打一稽首相還。喜媚曰。請天子坐。紂王便傍坐在側。二妖反上下坐了。燈光下見喜媚兩次三番。啓珠唇一點櫻桃。吐的是美孜孜一團和氣。轉秋波雙灣活水平。送的是嬌滴滴萬種風情。把個紂王弄得心猿難案。意馬馳疆。只急得一身香汗。姐已情知紂王慾火正熾。左右難捱。故意起身更衣。姐已上前曰。陛下在此相陪。妾更衣就來。紂王復轉下坐。朝上覲面傳杯。紂王燈下以眼角傳情。那道姑面紅微咲。紂王斟酒雙手奉於道姑道。

道姑反
求可人

道姑反
是不離
人的

姑接酒。吐嫩娜聲音答曰。敢勞陛下。紂王乘機將喜媚手腕一捻。道姑不語。把紂王魂靈兒都飛在九霄。紂王見是如此。便問曰。朕同仙姑臺前玩月。何如。喜媚曰。領教紂王復携喜媚手。出臺玩月。喜媚不辭。紂王心動。便搭仗香肩。月下偎倚。情意甚密。紂王中心甚美。乃以言挑之曰。仙姑何不棄此修行。而與令姐同住宮院。拋此清涼。且享富貴。朝夕歡娛。四時歡慶。豈不快樂。人生幾何。乃自苦如此。仙姑意下如何。喜媚只是不語。紂王見喜媚不甚推托。乃以手抹着喜媚胸臆。軟綿綿溫潤潤。嫩嫩的腹皮。喜媚半推半就。

紂王見他如此雙手抱樓偏殿交歡雲雨幾度方纔
歇手正起身整衣忽見姐已出來一眼看見喜媚烏
雲散亂氣喘吁吁姐已曰姊妹爲何這等樣樣紂王
曰實不相瞞方纔與喜媚姻緣相湊天降赤繩你妹
妹同侍朕左右朝暮歡娛共享無窮之福此亦是愛
卿薦拔喜媚之功朕心嘉悅不敢有忘卽傳旨重新
排宴三人共飲至五更方共寢鹿臺之上有詩爲証

詩曰

國破妖氛現。家亡紂主昏。不聽君子諫。
專納佞臣言。先愛狐狸女。又寵雉鷄精。

比干逢此怪。目下死無存。

話說紂王暗納喜媚。外官不知天子不理國事。荒淫
內闕。外廷隔絕。真是君門萬里。武成王雖執掌大帥
之權。提調朝歌四十八萬人馬。鎮守都城。雖然丹心
爲國。豈如不能面君諫言。彼此隔絕。無可柰何。只付
長嘆而已。一日見報說東伯侯姜文煥分兵攻打野
馬嶺。要取陳塘關。黃總兵令魯雄領兵十萬守把去
訖不表。且說紂王自得喜媚。朝朝雲雨。夜夜酣歌。那
里把社稷爲重。那日二妖正在臺上用早膳。忽見姐
已大叫一聲。跌倒在地。把紂王驚駭。汗出嚇的面如

土色見姐已口中噴出血水來。閉目不言。面皮俱紫。紂王曰。御妻自隨朕數年。未有此疾。今日如何得這等凶症。喜媚故意點頭。嘆曰。姐姐舊疾發了。帝問媚美人爲何知御妻有此舊疾。喜媚奏曰。昔在冀州時。彼此俱是閨女。姐姐常有心痛之疾。一發卽死。冀州有一醫士。姓張名元。他用藥最妙。有玲瓏心一片。煎湯吃下。此疾卽愈。紂王曰。傳旨宣冀州醫士張元。喜媚奏曰。陛下之言差矣。朝歌到冀州有多少路。一去一來。至少月餘。耽誤日期。焉能救得。除非朝歌之地。若人有玲瓏心。取他一片。登時可救。如無須臾卽死。

紂王曰。玲瓏心誰人知道。喜媚曰。妾身曾拜師。善能推筭。紂王大喜。命喜媚速筭。這妖精故意掐指筭來。筭去。奏曰。朝中止有一大臣。官居顯爵位。極人臣。只怕此人捨不得。不肯救拔娘娘。紂王曰。是誰快說。喜媚曰。惟亞相比干。乃是玲瓏七竅之心。紂王曰。比干乃是皇叔。一宗滴派。難道不肯借一片玲瓏心。爲御妻起沉痾之疾。速發御札。宣比干。差官飛往相府。比干聞居無事。正爲國家顛倒。朝政失宜。心中籌畫。忽堂候官敲雲板。傳御札。立宣見駕。比干接札禮畢。曰。天使先回。午門會齊。比干自思。朝中無事。御札爲何。

甚速。話未了。又報御扎又至。比干又接過。不一時。速到五次御扎。比干疑惑。有甚緊急。連發五扎。正沉思間。又報御扎又至。持扎者。乃奉御官陳青。比干接畢。問青曰。何事要緊。用扎六次。青曰。丞相在上。方今國勢漸衰。鹿臺又新納道姑。名曰胡喜媚。今日早膳。娘娘偶然心疼疾發。看看氣絕。胡喜媚陳說。要得玲瓏心一片。煎羹湯吃下。卽愈。皇上言玲瓏心如何曉得。胡喜媚會筭。筭丞相是玲瓏心。因此發扎六道。要借老千歲的心一片。急救娘娘。故此緊急。比干聽說。驚得魂膽俱落。自思事已如此。乃曰。陳青你在午門等

候。我卽至也。比干進內。見夫人孟氏曰。夫人你好生看顧孩兒。微子德我死之後。你母子好生守我家訓。不可造次。朝中併無一人矣。言罷。淚如雨下。夫人大驚。問曰。大王何故出此不吉之言。比干曰。昏君聽信。妲己有疾。欲取吾心。作羹湯。豈有生還之理。夫人垂淚曰。官居相位。又無欺誑。上不犯法於天子。下不貪酷於軍民。大王忠臣節孝。素表著於人耳目。有何罪惡。豈至犯取心慘刑。有子在傍。泣曰。父王勿憂。方纔孩兒想起。昔日姜子牙與父王看氣色。曾說不利。留一簡帖。見在書房。說至危急兩難之際。進退無路。方

可看簡。亦可解救。比干方悟曰。呀。幾乎一特忘了。忙開書房門。見硯臺下壓着一帖。取出觀之。上書明白。比干曰。速取火來。取水一碗。將子牙符燒在水裡。比干飲于腹中。忙穿朝服上馬。往午門來。不表。且說六扎宣比干。陳青泄了內事。驚得一城軍民官宰。盡知取比干心作羹湯。話說武成王黃元帥。同諸大臣。俱在午門。只見比干乘馬飛至午門下。馬百官忙問其故。比干曰。據陳青說。取心一節。吾總不知。百官隨比干至大殿。比干逕往鹿臺下候旨。紂王立候。聽得比干至。命宣上臺來。比干負夫。王曰。御妻偶發痲病。

心痛之疾。惟玲瓏心可愈。皇叔有玲瓏心。乞借一片作湯治疾。若愈此功莫大焉。比干曰。心是何物。紂王曰。乃皇叔腹內之心。比干怒奏曰。心者一身之主。隱于肺內。坐六葉兩耳之中。百惡無侵。一侵卽死。心正手足正。心不正則手足不正。心乃萬物之靈苗。四象變化之根本。吾心有傷。豈有生路。老臣雖死不惜。只是社稷坵墟。賢能盡絕。今昏君聽新納妖婦之言。賜吾摘心之禍。只怕比干在。江山在。比干存。社稷存。紂王曰。皇叔之言差矣。總只借心一片。無傷於事。何必多言。比干厲聲大叫曰。昏君你是酒色昏迷。糊塗狗。

其半
黃
魂心去一片。吾卽死矣。比干不犯剜心之罪。如何無辜遭此非殃。紂王怒曰。君叫臣死。不死不忠。臺上毀君。有虧臣節。如不從朕命。武士拿下去。取了心來。比干大罵。妲己賤人。我死冥下。見先帝無愧矣。喝左右取劍來與我。奉御將劍遞與比干。比干接劍在手。望太廟大拜八拜。泣曰。成湯先王。豈知殷受斷送成湯一十八世天下。非臣之不忠耳。遂解帶現軀。將劍往臍中刺入。將腹剖開。其血不流。比干將手入腹內。摘心而出。望下一擲。掩袍不語。面似淡金。逕下臺去了。且說諸大臣在殿前。打聽比干之事。衆臣紛紛議論。

朝廷失政。只聽的殿後有腳跡之聲。黃元帥望後一觀。見比干出來。心中大喜。飛虎曰。老殿下。事體如何。比干不語。百官迎上前來。比干低首速行。面如金紙。逕過九龍橋去。出午門。常隨見比干出朝。將馬伺候。比干上馬。往北門去了。不知凶吉如何。且聽下回分解。

總批

比干乃國之黃耆元老。竟遭慘死。其欲不亡得乎。紂王惟婦言是用。巧於拒諫。酷惡非常。所以後世推亡國之君。必首及桀紂。實爲萬

世罪魁

又批

妲已一婦。已足亾商。今又添一喜媚。如虎生翼。紂王且日與之酣飲。荒淫。縱不敗家國。亦是速死之道。

比干上。黑卦水門去了。不叫凶吉。吹何且。蘇平回。公
受。受大請辭去。出千門。常謂見比干。出山時。休想以
比干不請。自言。受土商來。比干於首。哀。而吹金。蘇
購。見比干出來。心中大喜。深氣曰。未幾。不事。歸。味。日
陣。我夫。妲。只離。自。思。終。有。咄。杜。之。整。黃。天。相。望。矣。一。

第二十七回

太師回兵陳十策

詩曰

天運循環有替隆。

任他勝算總無功。

方纔少進和平策。

又道提兵欲破戎。

數定豈容人力轉。

期逢自與鬼神同。

從來逆孽終歸盡。

縱是回天手亦窮。

話說黃元帥見比干如此不言。逕出午門。命黃明周紀。隨看老殿下往何處去。二將領命去訖。且說比干馬走如飛。只聞的風响之聲。約走五七里之遙。只聽的路傍有一婦人。手提筐籃。叫賣無心菜。比干忽聽

此婦姿巧

得勒馬問曰。怎麼是無心菜。婦人曰。民婦賣的是無心菜。比干曰。人若是無心。如何。婦人曰。人若無心。卽死。比干大叫一聲。撞下馬來。一腔熱血。濺塵埃。有詩爲証。詩曰。

御扎飛來實可傷。

妲已設計害忠良。

比干倚仗崑崙術。

卜兆焉知在路傍。

話說賣菜婦人。見比干落馬。不知何故。慌的躲了。黃明周紀。二騎馬。趕出北門。看見比干死於馬下。一地鮮血。濺染衣袍。仰面朝天。瞑目無語。二將不知所以。然當時子牙留下簡帖。上書符印。將符燒灰入水。服

於腹中。護其五臟。故能乘馬出北門耳。見賣無心菜的。比干問其因由。婦人言人無心卽死。若是回道人無心還活。比干亦可不死。比干取心下臺。上馬血不出者。乃子牙符水玄妙之功。話說黃明周紀。飛馬趕出北門。見如此行徑。回至九間殿來。回黃元帥話。見比干如此而死。說了一遍。微子等百官無不傷悼。內有一下大夫。囁聲大叫。昏君無辜。擅殺叔父。紀綱絕滅。吾自見駕。此官乃是夏招。自往鹿臺。不聽宣召。逕上臺來。紂王將比干心。立等做羹湯。又被夏招上臺見駕。紂王出見夏招。見招豎目揚眉。圓睜兩眼。面君

雖然紂王可殺夏招終是臣子此與夫免直浪

不拜。紂王曰。大夫夏招。無旨有何事見朕。招曰。特來弑君。紂王咲曰。自古以來。那有臣弑君之理。招曰。昏君。你也知道無弑君之理。世上那有無故侄殺叔父之情。比干乃昏君之嫡叔。乙帝之弟。今聽妖婦妲己之謀。取比干心作羹。誠為殺父。臣弑昏君。以盡成湯之法。招把鹿臺上掛的飛雲劍。掣在手。望紂主劈面殺來。紂王乃文武全才。豈懼此一個儒生。將身一閃讓過。夏招撲個空。紂王大怒。命武士拿了。武士領旨方來擒拿。夏招大叫曰。不必來。昏君殺父。招宜弑君。此事之當然。眾人向前。夏招一跳。撞下鹿臺。可憐粉骨碎身。死於非命。有詩。

詩曰

夏招怒發氣當噴。只為君王行不仁。
不惜殘軀擽直諫。可憐血肉已成塵。
忠心自合留千古。赤膽應知重萬鈞。
今日雖投臺下死。芳名常共日華新。

不說夏招死於鹿臺之下。且說各文武聽得夏招盡節鹿臺之下。又去北門外收比干之屍。世子微子德。披麻執杖。拜謝百官。內有武成王黃飛虎。微子箕子。傷悼不已。將比干用棺槨停在北門外。搭起蘆棚。揚

紙幡安定。竟。忽聽探馬報聞太師奏凱回朝。百官齊上馬迎接十里。至轅門。軍政司報太師。百官迎接轅門。太師傳令。百官暫回。午門相會。眾官速至午門等候。聞太師乘墨麒麟。往北門而進。忽見紙幡飄蕩。便問左右是何人靈樞。左右答曰。是亞相比干之樞。太師驚訝進城。又見鹿臺高聳。光景嵯峨。到了午門。見百官道傍相迎。太師下騎。咲臉問曰。列位老大人。仲遠征北海。離別多年。景物城中。盡都變了。武成王曰。太師在北。可聞天下離亂。朝政荒蕪。諸侯四叛。太師曰。年年見報。月月通知。只心懸兩地。北海難平。托

如此述
語百官
在何處
午活

賴天地之恩。主上威福方滅北海妖孽。吾恨協無雙翼。飛至都城。面君為快。眾官隨至九間大殿。太師見龍書案。可以生塵。寂靜淒涼。又見殿東邊黃鄧鄧大圓柱子。太師問執殿官。黃鄧鄧大柱子。為何放在殿上。執殿官跪而答曰。此是天子所置新刑。名曰炮烙。太師又問何為炮烙。只見武成王向前言曰。太師此刑乃銅造成的。有三層火門。煩有諫官阻事。盡忠無私。赤心為國的言。天子之過。說天子不仁。正天子不義。便將此物。將炭燒紅。用鉄索將人兩手抱住。銅柱左右裹將過去。四肢烙為灰燼。殿前臭不可聞。為造

此刑忠良隱遁。賢者退位。能者去國。忠者死節。聞太師聽得此言。心中大怒。三日交輝。只急得當中那一隻神目睜開。白光現尺餘遠近。命執殿官。鳴鍾鼓。請駕百官大悅。話說紂王自取比干心作湯。療妲己之疾。一時全愈。正在臺上溫存。當駕官啓奏曰。九間殿鳴鍾鼓。乃聞太師還朝。請駕登殿。紂王聞得此說。默然不語。隨傳旨。排鸞輿。臨軒奉御。保駕等官。扈擁天子。登九間大殿。百官朝賀。聞太師進禮山呼畢。紂王秉圭諭曰。太師遠征北海。登涉艱苦。鞍馬勞心。運籌無暇。欣然奏捷。其功不小。太師拜伏於地曰。仰仗天

威感陛下。洪福滅怪除奸。斬逆勦賊。征伐十五年。臣捐軀報國。不敢有負先王。臣在外聞得內庭濁亂。各路諸侯反叛。使臣心懸兩地。恨不得插翅面君。今觀天顏。其情可實。紂王曰。姜桓楚謀逆弑朕。鄂崇禹縱惡爲叛。俱已伏誅。但其子肆虐。不尊國法。亂離各地。使關隘擾攘。甚是不法。良可痛恨。太師奏曰。姜桓楚篡位。鄂崇禹縱惡。誰以可証。紂王無辭以對。太師近前復奏曰。臣征在外。苦戰多年。陛下仁政不修。荒淫酒色。誅諫殺忠。致使諸侯反亂。臣且啓陛下。殿東放着黃鄧鄧的是甚東西。紂王曰。諫臣惡口忤君。沽忠

忠飾

賈直故設此刑。名曰炮烙。太師又啓。臣進都城。見高聳青霄。是甚所在。紂王曰。朕至暑天。苦無憇地。造此行樂。亦觀高望遠。不致耳目蔽塞耳。名曰鹿臺。太師聽罷。心中甚是不平。乃大言曰。今四海荒荒。諸侯齊叛。皆陛下有負於諸侯。故有離叛之患。今陛下仁政不施。恩澤不降。忠諫不納。近奸色。而遠賢良。戀酷飲。而不分晝夜。廣施土木。民連累而反軍。絕糧而散。文武軍民。乃君王四肢。四肢順。其身康健。四肢不順。其身缺殘。君以禮待臣。臣以忠事君。想先王在日。四夷拱手。八方賓服。享太平樂業之豐。受鞏固皇基之福。

今陛下登臨大寶。殘虐萬姓。諸侯離叛。民亂軍怨。北海刀兵。使臣一片苦心。殄滅妖黨。今陛下不修德政。一意荒淫。數年以來。不知朝綱大變。國體全無。使臣日勞邊疆。正如辛勤立燕巢於朽幕耳。惟陛下思之。臣今回朝。自有治國之策。容臣再陳。陛下暫請回宮。紂王無言可對。只得進宮闕去了。且說聞太師立於殿上。曰。衆位先生大夫。不必回府第。俱同老夫到府內共議。吾自有處。百官跟隨同至太師府。到銀安殿上。各依次坐下。太師就問。列位大王。諸先生。老夫在外多年。遠征北地。不得在朝。但我聞仲感先王托孤。

之重。不敢有負遺言。但當今顛倒憲章。有不道之事。各以公論。不可架捏。我自平定之說。內有一大夫。孫容。欠身言曰。太師在上。朝廷聽讒遠賢。沉湎宵色。殺忠阻諫。殄滅彞倫。怠荒國政。事跡多端。恐眾官齊言。有紊太師清聽。不若眾位靜坐。只是武成王黃老大人。從頭至尾。講與老太師聽。一來老太師便與聽聞。百官不致攙越。不識太師意下如何。聞太師聽罷。孫大夫之言甚善。黃老大人。老夫洗耳。願聞其詳。黃飛虎欠身曰。既從尊命。未將不得不細細實陳。天子自從納了蘇護之女。朝中日漸荒亂。將元配姜娘娘。

剜目烙手。殺子絕倫。誑諸侯入朝歌。輕臨大臣。妄斬司天監太史杜元銑。聽妲己之狐媚。造炮烙之刑。壞上大夫梅伯。囚姬昌于羑里七年。摘星樓內。設薑盆。宮娥慘死。造酒池肉林。內侍遭殃。造鹿臺。廣興土木之工。致上大夫趙啓墜樓而死。肆用崇侯虎監功。賄賂通行。三丁抽二。獨丁赴役。有錢者買閑在家。累死百姓填于臺下。上大夫楊任諫阻鹿臺之工。將楊任剜去二目。至今屍骸無踪。前者鹿臺上。有四五十狐狸。化作仙人赴宴。被比干看破。妲己懷恨。今不明不白。內庭私納一女。不知來歷。昨日聽信妲己。詐言心

只此一
篇紂惡
已至其
盈

疼。要玲瓏心作湯。療疾勒逼比干剖心。死于非命。靈
樞見停北門。國家將興。禎祥自現。國家將亡。妖孽頻
出。讒佞信如膠漆。忠良視如寇讐。慘虐異常。荒淫無
忌。卽不才等累具諫章。視如故紙。甚至上下齟齬。正
無可柰何之時。適太師奏凱還國。社稷幸甚。萬民幸
甚。黃飛虎這一篇言語。從頭至尾。細細說完。就把聞
太師急得嚙聲大叫曰。有這等反常之事。只因北海
刀兵致天子紊亂綱常。我負先王。有悞國事。實老夫
之罪也。衆大王先生請回。我三日後上殿。自有條陳。
太師送衆官出府。喚徐急雨。令封了府門。一應人文
不許投遞。至第四日。面君方許開門。應接事體。徐急
雨得令。卽閉府門。有詩爲証。

詩曰

太師兵回奏凱還。豈知國內事多姦。
君王失政乾坤亂。海宇分崩國政艱。
十道條陳安社稷。九重金闕削奸頑。
山河旺氣該如此。總用心機只等閒。

話說聞太師三日內。造成條陳十道。第四日入朝。面
君。文武官員已知聞太師有本上殿。那日早朝。聚兩
班文武百官朝畢。紂王曰。有奏章出班。無事朝散。左

班中。聞太師進禮稱臣。曰。臣有疏。將本鋪展御案。紂王覽表。

具疏太師臣。聞仲上言。奏爲國政大變。有傷風化。寵淫近佞。逆治慘刑。大于天變。隱憂莫測事。臣聞堯受命以天下爲己憂。而未常以位爲樂也。故誅逐亂臣。務求賢聖。是以得舜禹稷契。而咎繇衆聖。輔德。賢能佐職。教化大行。天下和洽。萬民皆安。仁樂義。各得其宜。動作應禮。從容中道。乃王者必世而後仁之謂也。堯在位七十載。迺遜位以禪虞舜。堯崩天下不歸堯子丹朱。而歸舜。舜知不可避。乃

卽天子之位。以禹爲相。因堯之輔佐。繼其統業。是以垂拱無爲。而天下治。所作韶樂。盡美盡善。今陛下繼承大位。當行仁義。普施恩澤。惜愛軍民。禮文敬武。順天和地。則社稷莫安。生民樂業。豈意陛下近淫酒。親奸佞。亡恩愛。將皇后。炮手剗睛。殺子嗣。自剪其後。此皆無道之君所行。自取滅亡之禍。臣願陛下痛改前非。行仁興義。遠小人。近君子。庶幾社稷莫安。萬民欽服。天心効順。國祚靈長。風和雨順。天下享承平之福矣。臣代罪冒犯天顏。條陳開列于後。

第一件。拆鹿臺安民心不亂。

第二件。廢炮烙使諫官盡忠。

第三件。填薑盆宮患自安。

第四件。去酒池肉林掩諸侯謗議。

第五件。股妲己剗立正宮使內庭無蠱惑之虞。

第六件。勘佞臣速斬費仲尤渾而快人心使不

肖者自遠。

第七件。開倉廩賑民饑饉。

第八件。遣使命招安于東南。

第九件。訪遺賢於山澤釋天下疑似者之心。

第十件。納忠諫大言路使天下無壅塞之蔽。

聞太師立於龍書案傍磨墨潤毫將筆遞與紂王請

陛下批准施行紂王看十款之中頭一件便是拆鹿

臺紂王曰鹿臺之工費無限錢糧成功不毀今一旦

拆去實是可惜此等再議二件炮烙准行三件薑盆

准行五件貶蘇后今妲己德性幽閒并無失德如何

便加謫貶也再議六件中大夫費尤二人素有功而

無罪何為讒佞豈得便加誅戮除此三件以下准行

太師奏曰鹿臺功大勞民傷財萬民深怨拆之所以

消天下百姓之隱恨皇后諫陛下造此慘刑神怒鬼

條陳十
目尚有
未盡

怨。屈竟無申。乞速貶蘇后。賜神喜鬼舒。屈竟瞑目。所以消在天之幽怨。勘斬費仲尤渾。則朝綱清淨。國內無讒。聖心無惑。亂之虞。則朝政不期清。而自清矣。願陛下速賜施行。幸無遲疑不決。以悞國事。則臣不勝幸甚。紂王沒奈何立語曰。太師所奏。朕准七件。此三件候議妥再行。聞太師曰。陛下莫謂三事小節。而不足為。此三事關係治亂之源。陛下不可不察。毋得草草放過。君臣立辨。只見中大夫費仲。還不識時務。出班上殿見駕。聞太師認不得費仲。問曰。這員官是誰。仲曰。卑職費仲是也。太師道。先生就是費仲。先生上

殿。有甚麼話講。仲曰。太師雖位極人臣。不按國體。

費仲乘機挑剔

筆逼君。批行奏疏。非禮也。本叅皇后非臣也。令殺無辜之臣。非法也。太師滅君恃已。以下凌上。肆行殿廷。

亦自有理但當時丞相之權比

大失人臣之禮。可謂大不敬。太師聽說當中神目睜開。長髯直豎。大聲曰。費仲巧言惑王。氣殺我也。將手

重坐政事堂雖天子之

一拳把費仲打下丹墀。面門青腫。只見尤渾怒上心來。上殿言曰。太師當殿毀打大臣。非打費仲。即打陛

下而殺

下矣。太師曰。汝是何官。尤渾曰。吾乃是尤渾。太師咲曰。原來是你兩個賊臣。表裏弄權。互相回護。趨向前

只一掌打去。把那奸臣翻筋斗。跌下丹墀。有丈餘遠。

近喚左右將費尤二人拿出午門斬了。當朝武士最惱此二人。聽得太師發怒。將二人推出午門。聞太師怒冲牛斗。紂王默默無言。口裡不言。心中暗道。費尤二臣不知起倒。自討其辱。聞太師復奏。請紂王發行刑旨。紂王怎肯殺費尤二人。紂王曰。太師奏疏。俱說得是。此三件事。朕俱總行。待朕再商議而行。費尤二臣雖是冒犯參卿。其罪無証。且發下法司勘問。情真罪當。彼亦無怨。聞太師見紂王再三委曲。反有兢業顏色。自思吾雖爲國直諫盡忠。使君懼臣。吾先得欺君之罪矣。太師跪而奏曰。臣但願四方綏服。百姓奠

天數已
然定非
人力

安諸侯賓服。臣之願足矣。敢有他望哉。紂王傳旨。將費尤發下法司勘問。七道條陳。恨卽舉行。三條再議。妥施行。紂王回闕。百官各散。天下興。好事行。天下亡。禍胎降。太師方上條陳。事已好將來了。不防東海反了平靈王。飛報進朝歌來。先至武成王府。黃元帥見報。嘆曰。兵戈四起。八方不寧。如今又反了平靈王。何時定息。黃元帥把報差官送到。聞太師府裡去。太師在府正坐。堂候官報黃元帥差官。見老爺。太師命令來。差官將報呈上。太師看罷。打發來人。隨卽往黃元帥府裡來。黃元帥迎接到殿上。行禮分賓主坐下。聞

太師道元帥。今反了東海平靈王。老夫來與將軍共議。還是老夫去。還是元帥去。黃元帥答曰。末將去也。可。老太師去也。可。但憑太師主見。太師想一想道曰。黃將軍你還隨朝。老夫領二十萬人馬。前往東海勦平反叛。歸國再商政事。二人共論停當。次日早朝。聞太師朝賀畢。太師上表出師。紂王覽表。驚問曰。平靈王又反。如之奈何。聞太師奏曰。臣之丹心。憂國憂民。不得不去。今留黃飛虎守國。臣往東海削平反叛。愿陛下早晚以社稷爲重。條陳三件。待臣回再議。紂王聞奏大悅。已不得聞太師去了。不在面前攪擾。心中

甚是清淨。忙傳諭發黃旄白鉞。卽與聞太師餞行。起兵。紂王駕出朝歌東門。太師接見。紂王命斟酒賜與太師。聞仲接酒在手。轉身遞與黃飛虎。太師曰。此酒黃將軍先飲。飛虎欠身曰。太師遠征。聖上所賜。黃飛虎怎敢先飲。太師曰。將軍接此酒。老夫有一言相告。黃飛虎依言接酒在手。聞太師曰。朝綱無人。全賴將軍。當今若是有甚不平之事。禮當直諫。不可鉗口結舌。非人臣愛君之心。太師回身。見紂王曰。臣此去無別事。憂心。願陛下聽忠告之言。以社稷爲重。毋變亂舊章。有乖君道。臣此一去。多則一載。少則半年。不久

便歸。太師用罷酒。一聲炮响起。兵逕往東海去了。眼
前一段蹊蹺事。惹得刀兵滾滾來。不知勝負如何聽
下回分解

總批

聞太師十策。亦是救時急着。尚未盡紂之不
善。雖然。當時在朝諸臣。不無慷慨激烈之士。
因紂王慘酷。未免鉗口結舌。雖未必爲身家
富貴之計。而懼禍之不測者。恒多。若聞太師
之位重望隆。可以使天子不得行。庶可稍
挽天變。奈何。又有東海之役。此殆天數也歟。

又批

第二十八回

子牙兵伐崇侯虎

夏招不忍比干之死。有激于衷。故不暇揣度
君臣之分。勇往而死。此殆忠而過直而戇者
逢也。其心則可悲。其情則可矜耳。若聞太師之
本當殿打費仲尤渾。未免犯卑凌尊。下越上之
意。此不得與夏招同科。敗人亡事事同。

話說紂王同文武欣然回至大殿。眾官侍立。天子
百釋放費仲尤渾。彼時有微子出班奏曰。費尤二人
劫在太師出兵未遠。即時殺

不同分解

總批

意此不特與夏跡同。其意尚未盡。紂之不
 當。厥休費仲。大戰未與。非早。其不。紂王之
 此其心。限何。悲其計。限何。等耳。昔聞太師之
 臣。引之。公。更卦。而。此。故。忠。而。豈。直。而。顯。皆
 夏。跡。不。忘。此。干。之。孫。首。燃。干。束。對。不。嫌。跡。與
 又批 挽天變。不。何。又有東海之役。此始天教也。歟

第二十八回 子牙兵伐崇侯虎

詩曰

崇虎貪殘氣更梟。剝民膏髓自肥饒。
 逢君欲作千年調。買窟惟知百計要。
 奉命督工人力盡。乘機起釁帝旨消。
 子牙有道征無道。國敗人亡事事凋。

話說紂王同文武欣然回至大殿。眾官侍立。天子傳
 旨。釋放費仲尤渾。彼時有微子出班奏曰。費尤二人
 乃太師所叅。繫獄聽勘者。今太師出兵未遠。即時釋
 赦。似亦不可。紂王曰。費尤二人原無罪。係太師條陳

讒言易入忘告難明

屈陷。朕豈不明。皇伯不必以成議。而陷忠良也。微子不言下殿。不一時赦出二人。官還原職。隨朝保駕。紂王心甚歡悅。又見聞太師遠征。放心姿樂。一無忌憚。時當三春天氣。景物韶華。御園牡丹盛開。傳旨同百官往御花園賞牡丹。以繼君臣同樂。效虞廷賡歌喜起之盛事。百官領旨。隨駕進園。正是天上四時春。作首人間最富帝王家。怎見得御花園的好處。但見。

彷彿蓬萊仙境。依稀天上仙圃。諸般花木結成攢。堊石琳琅粧就景。桃紅李白紛芳。綠柳青蘿搖拽。金門外。幾株君子竹。玉戶下。兩行大夫松。紫巍巍。

錦堂畫棟。碧沉沉彩閣雕簷。蹴裘場斜通桂院。鞦韆架遠離花蓬。牡丹亭嬪妃來往。芍藥院彩女閑遊。金橋流綠水。海棠醉輕風。磨磚砌就蕭牆。白石鋪成路。逕紫街兩道。現出二龍戲珠。闌杆左右。雕成朝陽丹鳳。翡翠亭萬道金光。御書閣十層瑞彩。祥雲映日。顯帝王之榮華。瑞氣迎眸。見皇家之極貴。鳳尾草百鳥來朝。龍爪花五雲相罩。千紅萬紫映樓臺。走獸飛禽鳴內院。八哥說話。紂王喜咲欲狂。鸚鵡高歌。天子歡容鼓掌。碧池內金魚躍水。粉墻內鶴鹿同春。芭蕉影動。逞風威。逼射香爲百花。

主。珊瑚樹。高高下下。神仙洞。曲曲灣灣。玩月臺。層層疊疊。惜花逕。遶遶迢迢。水閣下。鷗鳴和暢。涼亭上。琴韻清幽。夜合花開。深院奇香不散。木蘭花放。滿園清味難消。名花萬色。丹青難畫難描。樓閣重重。妙手能工。焉敢御園中。果然異景。皇宮內。真是繁華。花開翻蝶翅。禁院隱蜂衙。亭簷飛紫燕。池角聽鳴蛙。春鳥啼百舌。反哺是慈烏。正是御園如錦綉。何用說仙家。藍靛染成。千塊玉。碧紗籠罩萬堆霞。

詩曰

瑞氣騰騰瑣太華。

祥光靄靄照雲霞。

龍樓鳳閣侵霄漢。

玉戶金門映翠紗。

四時不絕稀奇景。

八節常開罕見花。

幾番雨過春風至。

香滿城中百萬家。

話說百官隨駕。進御園牡丹亭。擺開九龍飾席筵宴。文武依次序坐下。論尊卑行禮。紂王在御書閣。陪蘇妲己胡喜媚共飲。且說武成王對微子箕子曰。筵無好筵。會無好會。方今士馬縱橫。刀兵四起。有甚心情。宴賞牡丹。但不知天子能改過從善。或邊停烽息。殄逆除寇。尚可望共樂唐虞。享太平之福。若是迷而不

樂不忘
憂足見
忠愛

返恐此日無多。憂日轉長也。微子箕子聞言。點首嗟嘆。衆官飲至日當正午。百官往御書閣來謝酒。當駕官啓奏。百官謝恩。紂王曰。春光景媚。花柳芳妍。正宜樂飲。何故謝恩。傳旨待朕陪宴。百官聽見。天子下樓親陪。不敢告退。只得恭候。但見紂王親至牡丹亭。上首添一席。同衆臣共飲歡笑。樂聲齊奏。君臣換盞輪盃。不覺天晚。帝命長上畫燭。笙歌嘹亮。真是歡樂倍常。將近二鼓時分。不說君臣會酒。且言御書閣。妲己胡喜媚。帶酒酣睡。龍榻之上。近三更時候。妲己元形現出。來尋人吃。一陣怪風大作。怎見得。

摧花倒樹異尋常。

滅燭無情盡絕光。

穿戶透簾侵病骨。

妖氛怪氣此中藏。

風過了一陣。播土揚塵。把牡丹亭都晃動。衆官正驚疑間。只聽得侍酒官齊叫妖精來了。黃飛虎酒已半酣。聽說有妖精。慌忙起身出席。果見一物在寒露之中而來。但見。

眼似金燈體態殊。

尾長爪利短身軀。

撲來恍似登山虎。

轉面渾如捕物貙。

妖孽慣侵人氣魄。

怪魔常噬血頭顱。

凝眸仔細觀形象。

却是中山一老狐。

一場歡
悅翻成
無限風
波

話說黃飛虎帶酒出席。見此妖精撲來。手中無一物。可攬。把手挽住牡丹亭欄杆。攀拆了一根。望那狐狸。一下打去。那妖精閃過。又撲將來。黃飛虎叫左右快取北海進來的金眼神鶯。左右忙忙的將紅籠開了。放出那神鶯。飛起二目如燈。專降狐狸。此鶯往下一罩。爪似鋼鈎。把狐狸抓了一下。那狐狸叫了一聲。逕往太湖石下攢去了。紂王眼見此事。卽喚左右取鋤。鋤望下挖。左右挖下二三尺。見無限的人骨骷髏成堆。紂王着實駭然。紂王因想諫官本上常言妖氛貫于宮中。災星變于天下。此事果然是實。心下甚是不

悅。百官起身謝恩出朝。各歸府第不題。且說妲己酒後元形出現。不意被神鶯抓了面門。傷破皮膚。驚醒回來。悔之無及。紂王至御書閣。同妲己共寢。睡至天明。紂王忽見妲己面上帶傷。急問曰。御妻臉上爲何有傷。妲己在枕邊回曰。夜來陛下陪百官飲宴。妾往園中稍遊。從海棠花下過。忽被海棠枝幹吊將下來。把妾身抓了面上。故此帶傷。紂王曰。今後不可往御園遊樂。原來此地真有妖氛。朕與百官飲至三更。果見一狐狸前來撲人。時有武成王黃飛虎攀拆欄杆。去打他。尚然不退。後放出外國。進來金眼神鶯。那鶯

慣降狐狸。一爪抓去。那妖帶傷走了。鶯爪尚有血毛。
紂王對妲己說。但不知同着狐狸共寢。且說妲己暗
恨黃飛虎。我不曾惹你。你今來害我。則怕你路逢窄
道難迴避。有詩爲証。

詩曰。

紂主忻然賞牡丹。

君臣歡飲鼓三攢。

狐狸影現人多怕。

怪獸威施氣更歡。

金眼神鶯真可羨。

綏尾邪魔已帶殘。

私讐斷送真潔婦。

纔得忠良逐釣竿。

話說妲己深恨黃飛虎。放鶯害他。只等他路逢夾道。

武成王那裡知道。話分兩處。且言西岐姜子牙在朝。
一日聞邊報。言紂王荒淫酒色。寵任奸佞。又反了東
海平靈王。聞太師前去征勦。又見報崇侯虎蠱惑聖
聰。廣興土木。陷害大臣。荼毒萬姓。潛通貨尤。内外交
結。把持朝政。朋比爲奸。肆行不道。鉗制諫官。子牙看
到切情之處。怒發冲冠。此賊若不先除。恐爲後患。子
牙次日早朝。文王問曰。丞相昨閱邊報。朝歌可有甚
麼異事。子牙出班啓曰。臣昨見邊報。紂王剋比干之
心。作羨湯療妲己之疾。崇侯虎紊亂朝政。橫恣大臣。
簧惑天子。無所不爲。害萬民而不敢言。行殺戮而不

敢怨惡孽多端。使朝歌生民日不聊生。貪酷無厭。臣
愚不敢請。似這等大惡。假虎張威。毒痛四海。助桀爲
虐。使居天子左右。將來不知如何結局。今百姓如在
水火之中。大王以仁義廣施。若依臣愚意。先伐此亂
臣賊子。剪其亂政者。則天子左右。見無讒佞之人。庶
幾天子有悔過遷善之機。則主公亦不枉天子假以
節鉞之意。文王曰。卿言雖是。柰孤與崇侯虎一樣爵
位。豈有擅自征伐之理。子牙曰。天下利病。許諸人直
言無隱。况主公受天子白旄黃鉞。得專征伐。原爲禁
暴除奸。似這等權奸蠱國。內外成黨。殘虐生民。以白

此西伯
戡黎之
始

作黑屠戮忠賢。爲國家大惡。大王今發仁慈之心。救
民於水火。倘天子改惡從善。而效法堯舜之主。大王
此功。成萬年不朽矣。文王聞子牙之言。勸紂王爲堯
舜。其心甚悅。便曰。丞相行師。誰爲主將。去伐崇侯虎。
子牙曰。臣願與大王代勞。以效犬馬。文王恐子牙殺
伐太重。自思我去。還有着量。文王曰。孤同丞相一往。
恐有別端。可以共議。子牙曰。大王大駕親征。天下响
應。文王發出黃旄鉞。起人馬十萬。擇吉日。祭寶纛。
旛。以南宮适爲先行。辛甲爲副將。隨行有四賢八俊。
文王與子牙放炮起兵。一路上父老相迎。鷄犬不驚。

民聞伐崇。人人大悅。個個歡忻。好人馬。怎見得。

旛分五色。殺氣迷空。明幌幌。劔戟鎗刀。光燦燦。又
搥斧棒。三軍跳躍。尤如猛虎下高山。戰馬長嘶。一
似蛟龍離海島。巡營小校。似歡狼。瞭哨兒郎。雄糾
糾。先行引道。逢山開路。踏橋樑。元帥中軍。殺斬存
留。旋號令。團團牌手。護軍糧。硬拏長弓。射陣脚。此
一去除奸。削黨安天下。纔離磻溪第一功。

話說子牙人馬過府州縣鎮。人人樂業。鷄犬不驚。一
路上。多少父老迎迓。一日探馬來報中軍。兵至崇城。
子牙傳令。安營。豎了旗門。結成大寨。子牙昇帳。衆將

參謁。不題。且說探馬報進崇城。此時崇侯不在崇城。
正在朝歌。隨朝。城內是侯虎之子。崇應彪。開報大怒。
忙昇殿。點聚將鼓。衆將上銀安殿。參謁已畢。應彪曰。
姬昌暴橫。不守本分。前歲逃關。聖上幾番欲點兵征
伐。彼不思悔過。反興此無名之師。深屬可恨。況且我
與你各守疆上。秋毫無犯。今自來送死。我豈肯輕恕。
傳令點人馬出城。隨令大將黃元濟。陳繼貞。梅德。金
成。這一番定擒反叛。解上朝歌。以盡大法。却說子牙
次日昇帳。先令南宮适。崇城見首陣。南宮适得令。領
本部人馬出營。排開陣勢。出馬。囑聲叫曰。逆賊崇侯

虎早至軍前受死。言未畢。聽城中砲响。門開處。只見一枝人馬。殺將出來。爲頭一將。乃飛虎大將。黃元濟是也。南宮适曰。黃元濟。你不必來。喚出崇侯虎來。領罪殺了逆賊。泄神人之忿。萬事俱休。元濟大怒。驟馬搖刀。飛來直取。南宮适舉刀相迎。兩馬盤旋。雙刃并舉。一場大戰。怎見得。

二將坐鞍橋。征云透九霄。這一個急取壺中箭。那一個忙拔紫金標。這將刀。欲誅軍將。那將刀。直取英豪。這一個平生膽壯安天下。那一個氣槩軒昂壓俊毛。

話說南宮适大戰黃元濟。未及二十回合。元濟非南宮适敵手。力不能支。南宮适是西岐名將。元濟怎能勝得他。元濟欲要敗走。又被宮适一口刀裹住了。跳不出圈子去。早被南將軍一刀。揮於馬下。軍兵梟了首級。長得勝鼓回營。進轅門來。見子牙。將斬的黃元濟首級報功。子牙大喜。且說崇城敗殘軍馬。回報崇應彪說。黃元濟已被南宮适斬於馬下。找首級在轅門號令。應彪聽罷。拍案大呼曰。好姬昌逆賊。今爲反臣。又殺朝廷命官。你罪如太山。誓不斬此賊。與黃元濟報讐。誓不回軍。傳令明日將太對人馬。出城與姬

昌。夾一雌雄。一宿已過。次早旭。日東昇。大砲三聲。開城門。大勢人馬殺奔周營。坐名只要姬昌。姜尚至轅門。答話探馬報入中軍曰。崇應彪口出不遜之言。請丞相軍令定奪。子牙請文王親自臨陣。會兵於崇城。文王乘騎。四賢保駕。八俊隨軍。周營內砲响磨動旗旛。崇應彪見對陣旗門開處。忽見一人道辦。乘馬而來。兩邊排列衆將。一對對雁翅分開。崇應彪定睛觀看。但見有西江月爲証。

魚尾金冠鶴氅。絲絲雙結乾坤。雌雄寶劍手中擎。八卦仙衣可襯。元始玉虛門下。包含地理天文。銀鬚白髮氣精神。却似神仙臨陣。

子牙馬至陣前。言曰。崇城守將可來見我。只聽得那陣上一騎飛來。怎見得崇應彪粧束。

盤龍冠。飛鳳結。大紅袍。猩猩血。黃金凱甲套連環。護心寶鏡懸明月。腰束羊脂白玉珮。九吞八扎真奇絕。金粧鋼掛馬鞍傍。虎尾鋼鞭懸竹節。袋內弓灣三尺五。囊中箭插賓州鉄。坐下走陣冲營馬。尺八蛇矛神鬼怯。父在當朝一寵臣。子鎮崇城真英傑。

崇應彪一馬當前。見子牙問曰。汝乃何等人物。敢犯

吾疆界。子牙曰：吾乃文王駕下首相，姜子牙是也。汝父子造惡如淵海，積毒似山嶽，貪民財物，如餓虎傷人，酷慘似豺狼，惑天子無忠耿之心，壞忠良有推忍之意。普天之下，雖三尺之童，恨不能生啖你父子之肉。今日文王起仁義之師，除殘暴于崇地，絕惡黨以暢人神，不負天子加以節鉞，得專征伐之意。應彪聞得此言，大喝姜尚曰：你不過磻溪一無用老朽，敢出大言。顧左右曰：誰爲吾擒此逆賊？言還未了，只見一將出馬，對陣文王馬上大呼曰：崇應彪少時行兇，孤來也。應彪又見文王馬至，氣冲滿懷，手指文王大罵。

姬昌你不思得罪朝廷，立仁行義，反來侵吾疆界。文王曰：你父子罪惡貫盈，不必我言，只是你早早下馬，解送西岐，立壇告天，除汝父子兇惡，不必連累崇城良民。應彪大喝：誰爲我擒此反賊？一將應聲而出，乃陳繼貞。這壁廂辛甲縱馬搖斧，大叫陳繼貞慢來，休得冲吾陣脚。兩馬相交，鎗斧并舉，戰在一處。二將撥馬掄兵，殺有二十回合。應彪見陳繼貞戰辛甲不下，隨命金成梅德助陣。子牙見對陣有助，子牙令毛公遂、周公旦、召公奭、呂公望、辛免、南宮适六將齊出，冲殺一陣。應彪見大勢，人馬催動，自撥馬殺進重圍，只

殺的慘慘征雲紛紛愁霧喊聲不絕。鼓角齊鳴。混戰多時。早有呂公望一鎗刺梅德於馬下。幸免斧劈金成。崇兵大敗進城。子牙傳令鳴金。眾將長得勝鼓回營。不表。話說應彪兵敗將亡。進城將四門緊閉。殿上與眾將商議退兵之策。眾將見西岐士馬英雄。勢不可當。并無一籌可展。半策可施。且說子牙得勝回營。欲傳令攻城。文王曰。崇家父子作惡。與眾百姓無干。今丞相欲要攻城。恐城破玉石俱焚。可憐無辜遭枉。况孤此來。不過救民。豈有反加之以不仁哉。切為不可。子牙見文王以仁義為重。不敢抗違。自思主公德

乃是午
道之帥

同堯舜。一時如何取得崇城。只得暗修一書。使南宮适往曹州。見崇黑虎。庶幾崇城可得。令南宮适接書。逕往曹州來。子牙按兵不動。只等回書。不知崇侯虎性命如何。且聽下回分解。

總批

西伯得專征伐。乃紂王假之以權。正天奪其鑒。若或使之而然。故天下諸侯皆知有西伯耳。所以武王嗣興。天下響應。有所自也。雖然。斯時已三分有二。文王猶以服事殷。紂惡日甚。周之德所以日見其盛矣。雖不假之以權。

其可得乎。君人者當知所勉夫。

又批

賞牡丹而妖狐出現。此紂王親見。神鶯狐退。進內殿見妲妃。狐傷頭面。此不問可知。不然亦當疑惑。何能其撫拾而恬不為怪。乃痴迷若是也。又何怪今人之多被此妖之蒙蔽乎。

卦命

巽卦

巽卦

同巽

第二十九回

斬侯虎文王托孤

詩曰

崇虎無謀枉自尤。

欺君盜國豈常留。

轅門斬首空嗟日。

挈子懸頭莫怨秋。

周室龍興應在武。

紂家虎敗却從彪。

孰知不負文王托。

八百年來戊午收。

話說南宮适離了周營。逕望曹州一路上。曉行夜住。也非一日。來到曹州館驛安歇。次日至黑虎府裏下書。黑虎正坐。家將稟千歲。有西岐差南宮适來下書。黑虎聽得是西岐差官。卽降階迎接。咲容滿面。讓至

殿內行禮。分賓主坐下。崇黑虎欠身言曰。將軍今到敝驛。有何見諭。南宮适曰。吾主公文王丞相姜子牙拜上大王。特遣末將有書上達。南宮适取書遞與黑虎。黑虎折書觀看。

子牙可
謂不戰
而屈人
之兵

岐周丞相姜尚頓首百叩。致書於大君侯崇將軍麾下。蓋聞人臣事君。務引其君於當道。必諫行言聽。膏澤下於民。使百姓樂業。天下安阜。未有身為大臣。逢君之惡。蠱惑天子。殘虐萬民。假天子之命令。敲骨剝髓。盡民之力。肥潤私家。陷君不義。忍心喪節。如今兄者。真可謂積惡如山。窮兇若虎。人神

共怒。天下恨不食其肉。而寢其皮。為諸侯之所棄。今尚主公得專征伐。奏詔以討不道。但思君侯素稱仁賢。豈得槩以一族而加之以不義哉。尚不忍坐視。特遣裨將呈書上達。君侯能擒叛逆。解送周營。以謝天下。庶幾洗一身之清白。見賢愚之有分。不然天下之口。嘖嘖。恐崑崗火焰。玉石無分。尚深為君侯惜矣。君侯倘不以愚言為非。乞速賜一語。則尚幸甚。萬民幸甚。臨楮不勝跂望之至。尚再拜。崇黑虎看了書。復連看三五遍。自思點頭。我觀子牙之言。甚是有理。我寧可得罪於祖宗。怎肯得罪於天

黑虎司
以謂之
忠未免
失之于
不義

下為萬世人民切齒。縱有孝子慈孫，不能益其愆尤。寧至冥下請罪於父母，尚可留崇氏一脈，不致絕滅宗枝也。南宮适見黑虎自言自語，暗暗點頭，又不敢問。只見黑虎曰：南將軍，我未將謹領丞相教誨，不必修回書。將軍先回，多多拜上大王丞相，總無他說。只是把家兄解送轅門，請罪便了。遂設席待南宮适，盡飲而散。次日，南宮适作辭，赴周去了。話說崇黑虎分付副將高定、沈岡，點三千飛虎兵，即日往崇城來。又命子崇應鸞守曹州。黑虎行兵在路，無詞一日行至崇城，有探馬報與崇應彪。應彪領眾將出城迎接黑虎。應彪馬上欠背打躬，口稱皇叔。曰：姪男甲冑在身，不能全禮。黑虎曰：賢侄，吾聞姬昌伐崇，特來相助。崇應彪感謝不盡，遂併馬進城，入府上殿，行禮畢。崇黑虎問其來伐原故。應彪答曰：不知何故，攻打崇城。前日與西伯會兵，小侄失軍損將，今得皇叔相輔，乃崇門之幸也。遂設宴款待一宿。次日，黑虎點三千飛虎兵出城，至周營索戰。南宮适已回過子牙，子牙正坐，忽報崇黑虎請戰。子牙令南宮适出陣。南宮适結束來至陣前，見黑虎怎生粧束。

九雲冠，真威武，黃金甲，霞光吐。大紅袍上現團龍。

勒甲戎繩攢九股。豹花囊內插狼牙。龍角弓灣四尺五。坐下火眼金睛獸。鞍上橫拖兩柄斧。曹州威鎮列諸侯。封神南嶽崇黑虎。

黑虎面如鍋底。海下一部。落腮紅髯。兩道黃眉。金睛雙暴。來至軍前。囑聲大叫曰。無故恃強犯界。任爾猖狂。非王者之師。南宮适曰。崇黑虎不道汝兄。忠貫天下。陷害忠良。殘虐善類。古云亂臣賊子。人人得而誅之。道罷舉刀直取黑虎手中斧。急架相還。獸馬相交。斧刀併起。戰有二十回合。馬上黑虎暗對南宮适曰。末將只見這一陣。只等把吾兄解到行營。再來相見。

如此設
施未免
是套子
不像英
雄本色

將軍坐下陣去罷。南宮适曰。領君侯命。隨掩一刀。撥馬就走。大叫崇黑虎。吾不及你了。休來趕我。黑虎亦不趕。掌鼓回營。話說崇應彪在城上敵樓觀戰。見南宮适敗走。黑虎不趕。忙下城迎着黑虎曰。叔父今日會兵。為何不放神鶯。拿南宮适。黑虎曰。賢侄你年幼。不知事體。你不聞姜子牙乃崑崙山上之客。我用此術。他必能識破。不為可惜。且勝了他。再作區處。二人同至府前下馬。上殿坐下。共議退兵之策。黑虎道。你修一表。差官往朝歌見天子。我修書請你父親來。設計破敵。庶幾文王可擒。大事可定。應彪從命。修本差

官併書一齊起行。且說使命官一路無辭。過了黃河。至孟津。往朝歌來。那一日進城。先來見崇侯虎。兩邊啓千歲。家將孫榮到了。崇侯虎命令來。孫榮叩頭。侯虎曰。你來有甚話說。榮將黑虎書呈上。侯虎拆書。

弟黑虎百拜皇兄麾下。蓋聞天下諸侯。彼此皆兄弟之國。孰意西伯姬昌不道。聽姜尚之謀。無端架捏。言皇兄惡大過深。起猖獗之師。入無名之謗。伐崇城甚急。應彪出敵。又損兵折將。弟聞此事。星夜進兵連敵二陣。未見勝負。因差官上達。皇兄啓奏紂王。發兵勦叛。除奸清肅西土。如今事在燃眉。不

可羈滯。弟候兵臨。共破西黨。崇門幸甚。弟黑虎再拜上陳。

侯虎看罷。拍案大罵。姬昌曰。老賊。你逃官欺主。罪當誅戮。聖上幾番欲要伐你。我在其中。尚有許多委曲。今不思你知感。反致欺侮。若不殺老賊。勢不回兵。遂穿朝服。進內殿。朝見紂王。王宣侯虎至。行禮畢。紂王曰。卿有何奏章。侯虎奏曰。逆惡姬昌。不守本土。偶生異端。領兵伐臣。談揚過惡。望陛下爲臣作主。紂王曰。昌素有大罪。逃官負孤。焉敢凌虐大臣。殊爲可恨。卿先回故地。朕再議點將提兵。協同勦捕逆惡。侯虎領

封神演義 卷之六
四
首先回。且說崇侯虎領人馬三千。離了朝歌。一路而
來。有詩爲証。

詩曰

三千人馬疾如風。

侯虎威嚴自姓崇。

積惡如山神鬼怒。

誘君土木士民窮。

一家嫡弟施謀畧。

拿解行營請建功。

善惡到頭終有報。

衣襟血染已成空。

且說崇侯虎人馬。不一日到了崇城。報馬來報黑虎。
黑虎暗令高定。你領二十名刀斧手。埋伏於城門裡。
聽吾腰下劍聲響處。與我把大爺拿下。解送周營。轅

此事爲
之太毒
手足之
誼似有
不足取
者

門會齊。又令沈岡我等出城迎大干。歲去。你把大干
歲家眷拿到周營。轅門等候。分付已定。方同崇應彪
出城迎接。行三里之外。只見侯虎前隊已到。有探馬
報入行營曰。二大王同殿下轅門接駕。崇侯虎馬出
轅門。咲容言曰。賢弟此來。愚兄不勝欣慰。又見應彪
三人同行。方進城門。黑虎將腰下劍。拔出鞘。一聲响。
只見兩邊家將。一擁上前。將侯虎父子二人拏下。綁
縛其臂。侯虎大叫曰。好兄弟。反將長兄拏下者何也。
黑虎曰。長兄。你位極人臣。不修仁德。惑亂朝廷。屠害
萬姓。重賄酷刑。監造鹿臺。惡貫天下。四方諸侯。欲同

心勦其崇姓。文王書至。爲我崇氏。分辦賢愚。我敢有負朝廷。寧將長兄拿解周營。定罪。我不過只得罪與祖宗猶可。我豈肯得罪於天下。自取滅門之禍。故將兄送解周營。再無他說。侯虎長嘆一聲。再不言語。黑虎隨將侯虎父子。送解周營。至轅門。侯虎又見元配李氏。同女站立。侯虎父子見了。大哭曰。豈知親弟。陷兄一門盡絕。黑虎至轅門下騎。探事馬報進中軍。子牙傳令請黑虎至帳。行禮。子牙迎上帳曰。賢侯大德。惡黨勦除。君侯乃天下奇丈夫也。黑虎躬身謝曰。感丞相之恩。手扎降臨。照明肝膽。領命尊依。故將不仁

之兄。拏獻轅門。聽候軍令。子牙傳令請文王上帳。彼時文王至。黑虎進禮。口稱大王。文王曰。呀。原來崇二賢侯爲何至此。黑虎曰。不才家兄逆天違命。造惡多端。廣行不仁。殘虐良善。小弟今將不仁家兄解至轅門。請令施行。文王聽罷。其心不悅。沉思是你一胞兄弟。反陷家庭。亦是不義。子牙在傍言曰。崇侯不仁。黑虎奉詔討逆。不避骨肉。真忠良君子。慷慨丈夫。古語云。善者福。惡者禍。天下說侯虎。恨不得生啖其肉。三尺之童。聞而切齒。今只知黑虎之賢名。人人悅而心歡。故曰。好反賢愚。不以一例而論也。子牙傳令將崇

所以文
王愛民
如傷子
牙終來
霸道

侯虎父子推來。衆士卒將崇侯虎父子簇擁推至中軍。雙膝跪下。正中文王左邊子牙右邊黑虎。子牙曰。崇侯虎惡貫滿盈。今日自犯天誅。有何理說。文王在傍有意不忍加誅。子牙下令速斬首回報。不一時推將出去。寶纛旛一展。侯虎父子二人首級斬了來獻。中軍文王自不曾見人之首級。猛見獻上來。赫得冤不負體。忙將袍袖掩面曰。駭殺孤家。子牙傳令將首級號令轅門。有詩可証。

詩曰

獨霸朝歌恃已強。

惑君貪酷害忠良。

誰知惡孽終須報。

梟首轅門是自亡。

話說斬了崇家父子。還有崇侯虎元配李氏併其女兒黑虎請子牙發落。子牙曰。令兄積惡與元配無干。況且女生外姓。何惡之有。君侯將令嫂與令侄女分爲別院衣食之類。君侯應之。無使缺乏。是在君侯。今曹州可令將把守。坐鎮崇城。便是一國萬無一失矣。崇黑虎隨釋其嫂。依子牙之說。請文王進城。查府庫清戶口。文王曰。賢侯兄既死。卽賢侯之掌握。何必孤行姬昌就此告歸。黑虎再三款留不住。子牙回兵。

詩曰

自出磻溪爲首相。

酌恩除暴伐崇城。

一封書到擒侯虎。

方顯飛熊素著名。

話說文王子牙辭了。黑虎回兵往西岐來。文王自見斬了崇侯虎的首級。文王神魂不定。身心不安。鬱鬱不樂。一路上茶飯懶食。睡卧不寧。合眼朦朧。又見崇侯虎立於面前。驚疑失神。那一日兵至西岐。衆文武迎接文王入宮。彼時路上有疾。用醫調治。服藥不愈。按下不表。話說崇黑虎。獻兄周營。文王將崇侯虎父子梟首示儆。崇城已屬黑虎。北邊地方。俱不服朝歌。其時有報到朝歌城。文書房。微子看本。看到崇侯虎。

被文王所誅。崇城盡屬黑虎所占。微子喜而且憂。喜者喜侯虎罪不容誅。一死當其罪。憂者憂黑虎獨占崇城。終非良善。姬昌擅專征伐。必欲剪商。此事重大。不得不奏。須抱本來奏紂王。紂王看本。怒曰。侯虎屢建大功。一旦被叛臣誅戮。情殊痛恨。傳旨命點兵將先伐西岐。拏曹母。崇黑虎等。以正不臣之罪。傍有中大夫李仁進禮稱臣。奏曰。崇侯虎雖有大功。與陛下實荼毒於萬民。結大惡與諸侯。人人切齒。個個傷心。今被西伯殄滅。天下無不謳歌。况大小臣工。無不言陛下寵信讒佞。今爲諸侯。又生異端。此言恰中諸侯之

口願陛下將此事徐徐置之。如若急行文武以陛下寵嬖。以諸侯為輕。侯虎雖死。如疥癬一般。天下東南。成為重務。願陛下裁之。紂王聽罷。沉吟良久。方息其念。按下紂王不表。且說文王病勢日日沉重。有加無減。看看危篤。文武問安。非止一日。文王傳旨。宣丞相進宮。子牙入內殿。至龍榻前。跪而奏曰。老臣姜尚奉旨入內殿問候。大王貴體安否。文王曰。孤今召卿入內。併無別論。孤居西北。坐鎮兗方。統二百鎮諸侯元首。感蒙聖恩不淺。方今雖則亂離。況且還有君臣名分。未至乖離。孤伐侯虎。雖斬逆而歸外。舒而心實

王之傳位武王語皆是王道只子牙尚梯其初心

恠。非亂臣賊子。雖人人可誅。今明君在上。不解天子而自行誅戮。是自專也。况孤與侯虎一般爵位。自行專擅。大罪也。自殺侯虎之後。孤每夜間悲泣之聲。合目則立於榻前。吾思不能久立於陽世矣。今日請卿入內。孤有一言。切不可負。倘吾死之後。縱若惡貫盈。切不可聽諸侯之唆。以臣伐君。丞相若違背孤言。冥中不好相見。道罷。淚流滿面。子牙跪而啓曰。臣荷蒙恩寵。身居相位。敢不受命。若負君言。即係不忠。君臣正論間。忽殿下姬發進宮問安。文王見姬發至。便喜曰。我兒此來。正遂孤願。姬發行禮畢。文王曰。我死之

後吾兒年幼。恐妄聽他人之言。肆行征伐。縱天子不德。亦不得造次妄爲。以成臣弑之名。你可過來拜子牙爲亞父。早晚聽訓指教。今聽丞相卽聽孤也。可請丞相坐而拜之。姬發請子牙轉上。卽拜爲亞父。子牙叩首榻前泣曰。臣受大王重恩。雖肝腦塗地。碎骨捐軀。不足以酬國恩之萬一。大王切莫以臣爲慮。當宜保重龍體。不日自愈矣。文王謂子發曰。商雖無道。吾乃臣子。必當恪守其職。毋得僭起。遺譏後世。嗟愛弟兄。憫恤萬民。吾死亦不爲恨。又曰。見善不怠。時至勿疑。去非勿處。此三者。乃修身之道。治國安民之大畧也。姬發再拜。受命文王曰。孤蒙紂王不世之恩。臣再不能覩天顏。直諫再不能和八卦。羨里化民也。言罷遂薨。二十九年九十七歲。後謚爲周文王。時商紂王二十一年仲冬。

龜美文王德。

巍然甲衆侯。

際遇昏君時。

小心翼翼求。

商都三道諫。

羨里七年囚。

卦發先天秘。

易傳起後周。

飛熊勞入夢。

丹鳳出鳴州。

仁風光后稷。

德業繼公劉。

終守仁臣節。

不逞伐商謀。

萬古岐山下。

難爲西伯儔。

話說西伯文王薨於白虎殿。停喪百官共議嗣位。太公望率羣臣奉姬發嗣西北之位。後謚爲武王武王葬父既畢。尊子牙爲尚父。其餘百官各加一級。君臣協心繼志。述事盡遵先王之政。四方附庸之國皆行朝貢。西土二百鎮諸侯皆率王化。且說汜水關總兵官韓榮見得邊報。文王已死。姜尚立世子姬發爲武王。榮大驚。忙修本差官往朝歌奏事。使命一日進城。將本下於文書房。時有上大夫姚中見本。與殿下微子共議。姬發自立爲武王。其志不小。意在謀叛。此事不可不奏。微子曰。姚先生。天下諸侯見當今如此。荒淫進

奸退忠。各有無君之心。今姬發自立爲武王。不日而有鼎沸山河。擾亂乾坤之時。今就將本面君昏君。決不以此爲患。總是無益。姚中曰。老殿下言雖如此。各盡臣節。姚中抱本往摘星樓候旨。不知凶吉如何。且聽下回分解。

總批

崇虎罪惡。固人人可誅。况文王得專征伐。豈有坐視之理。擒之送入朝廷。明正其罪。以殺戮出自朝廷。文王不自專擅可也。何子牙計不出此。而擅自斬首號令。豈是時雨之師。後

日叩馬之諫有所自矣。

又批

黑虎為崇侯嫡弟。雖君臣之義重。而手足之分亦嚴。皆不足草草作為。且甚至令滿門受縛。何心哉。當時黑虎。只當明兄之罪。共相擒獲。而自行請罪。以免其子孫。此方妥當。豈得暗行謀計。而傷其手足哉。黑虎難辭其責矣。

第三十回 周紀激反武成王

詩曰

君戲臣妻自不良。綱常污蔑枉成王。

只知蘇后妖言惑。不信黃妃直諫匡。

烈婦清貞成個是。昏君愚昧落場殃。

今朝逼反擒天柱。穩助周家世世昌。

話說姚中上摘星樓。見駕畢。紂王曰。卿有何奏章。姚中曰。西伯姬昌已死。姬發自立武王。頒行四方諸侯。歸心者甚多。將來為禍不小。臣因見邊報。甚是恐懼。陛下當速興師。問罪。以正國法。若怠玩不行。則其中

天下事
豈可小
觀

觀望者。皆效尤耳。紂王曰。料姬發一黃口稚子。有何能爲之事。姚中奏曰。發雖年幼。姜尚多謀。南宮适散宜生之輩。謀勇俱全。不可不預爲防。紂王曰。卿之言雖有理。料姜尚不過一術士。有何作爲。須不聽姚中知紂王意在不行。隨下殿嘆曰。滅商者必姬發矣。這且不表。時光迅速。不覺又是年終。次年乃紂王二十一年。正月元旦之辰。百官朝賀畢。聖駕回宮。太煩元且日。各王位併大臣的夫人。俱入內朝賀正宮蘇皇后。各親王夫人朝畢出朝。禍因此起。且說武成王黃飛虎的元配夫人賈氏。入宮朝賀。二則西宮黃妃是

婦人原
自慘毒
不意于
妖狐中
見之

黃飛虎的妹子。一年姑嫂會此一次。必須款洽半日。故賈夫人先往正宮來。宮人報啓娘娘。賈夫人候旨。姐已問曰。那個賈夫人。宮人啓娘娘。黃飛虎元配賈夫人。姐已暗暗點頭。黃飛虎你恃強助放神鶯。狐壞我面門。今日你一般妻子賈氏也。入吾園圍。傳旨宣賈氏入宮。行禮朝賀畢。娘娘賜坐。夫人謝恩。姐已曰。夫人青春幾何。賈氏啓娘娘。臣妾虛度四九。姐已曰。夫人長我八歲。還是我姐姐。我蘇氏與你結爲姊妹如何。賈氏奏曰。娘娘乃萬乘之尊。臣妾乃一介之婦。豈有絲鳳配山鷄之理。姐已曰。夫人太謙。我雖椒房

之貴。不過蘇侯之女。你位居武成王夫人。況且又是國戚。何卑之有。傳旨排宴。款待賈氏。姐已居上。賈氏居下。傳盃共飲。酒不過三五巡。宮官啓娘娘。駕到。賈氏着忙。奏曰。娘娘將妾身置於何地。姐已曰。姐姐不妨。可往後宮迴避。賈氏果進後宮。姐已接駕至殿上。紂王見有筵席。問曰。卿與何人飲酒。姐已奏曰。妾身陪武成王夫人。賈氏飲宴。紂王曰。賢哉。姐已傳旨換席。紂王與姐已把盞。姐已曰。陛下可曾見賈氏之容貌乎。紂王曰。卿言差矣。君不見臣妻禮也。姐已曰。君故不可見臣妻。今賈氏乃陛下國戚。武成王妹子。現

以此打動

在西宮。既爲內戚。見亦何妨。外邊小民。姑夫舅母。共飲。乃常事耳。陛下暫請出宮。別殿少憩。待妾誑賈氏上摘星樓。那時駕臨。使賈氏不能迴避。賈氏果然天姿國色。萬分妖嬈。紂王大喜。退於偏殿。日說姐已來請賈氏。賈氏謝恩告出。姐已曰。一年一會。今與姐姐往摘星樓看景。一會何如。賈氏不敢違命。只得相隨。往摘星樓來。

詩曰

姐已設計陷忠貞。賈氏樓前命自湮。

名節已全清白信。簡篇凜烈有誰倫。

妲己携賈氏上得樓來。行至九曲欄杆。望下一看。又見薑盆內。蛇蝎爭獐。骷髏白骨。堆堆垛垛。着實難看。酒池中。悲風凜凜。肉林下。寒氣侵侵。賈氏對妲己曰。啓娘娘。此樓下。設此池沼坑穴。爲何。妲己曰。宮中大弊難除。故設此刑。名曰薑盆。宮人有犯者。撰剝縛身。送下此坑。喂此蛇蝎。賈氏聽罷。竟不負體。妲己傳旨。擺上酒來。賈氏告辭。決不敢領。娘娘盛意。妲己曰。我曉的你。還要往西宮去。畧飲數杯。也是上樓一番。賈氏只得依從。且不說賈氏在樓。且說西宮黃妃。差官打聽。賈夫人入宮朝賀。姑嫂骨肉。只此一年一會。黃

妃倚宮門而候。差官回覆曰。賈夫人隨蘇娘娘。上摘星樓去了。黃妃大驚。妲己乃妬忌之婦。嫂嫂爲何隨此賤人。忙差官往樓下打聽。話說妲己。賈氏正飲酒時。宮人來報。駕到。賈氏着忙。妲己曰。姐姐莫慌。請立於欄杆外邊。等駕見畢。姐姐下樓。何必着忙。果然賈氏立在欄杆外邊。紂王上樓。妲己禮畢。紂王坐下。故問曰。欄杆外立者何人。妲己曰。武成王夫人賈氏。賈氏出笏進禮。妲己曰。賜卿平身。賈氏立于一傍。紂王偷睛觀看。賈氏姿色。果然生成端正。長就嬌容。昏君傳旨。賜坐。賈氏奏曰。陛下國母。乃天下之主。臣妾焉

以如如
稱之無
非挑其
隱惡更
可恨

敢坐。臣妾該萬死。妲己曰。姐姐坐下何妨。紂王曰。御
妻為何稱賈氏為姐姐。妲己曰。賈夫人與妾一拜姊
妹。故稱姐姐。乃是皇姨。便坐下無妨。賈氏自思。今日
入了蘇妲己圈套。賈氏俯伏奏曰。臣妾進宮朝賀。乃
是恭上陛下。亦合禮下。自古道。君不見臣妻禮也。願
陛下賜臣妾下樓。感聖恩于無極矣。紂王曰。皇姨謙
而不坐。朕立奉一盃如何。賈氏面紅赤紫。怒髮冲霄。
自思我的丈夫。何等之人。我怎肯今日受辱。賈氏料
今日不能全生。紂王執一盃酒。咲容可掬。來奉賈氏。
賈氏以無退處。用手抓盃。望紂王劈面打來。大罵昏

烈婦

君。我丈夫與你苦掙江山。立奇功三十餘場。不思酬
功。今日信蘇妲己之言。欺辱臣妻。昏君你與妲己賤
人不知死於何所。紂王大怒。命左右拏了。賈氏大唱
曰。誰敢拏我。轉身一步。走近欄杆前。大叫曰。黃將軍。
妾身與你全其名節。只可憐我三個孩兒。無人看管。
這夫人將身一跳。撞下樓臺。粉骨碎身。有詩為証。

詩曰

朝賀中宮惹禍殃。夫人貞潔墜樓亡。
紂王失政忘君道。烈婦存誠敢自涼。
西伯慢言招國瑞。殷商又道失金湯。

三三兩兩兵戈動。八百諸侯起戰場。

話說紂王見賈氏墜樓而死。好懊惱。平地風波。悔之不及。且說黃妃的差官打聽信息。忙報西宮。啓娘娘。其禍不淺。黃妃曰。有甚麼禍事。差官報說。賈夫人墜了摘星樓。不知何故。黃妃大哭曰。姐已渰賤。與吾兄有隙。今將吾嫂嫂陷害無辜。黃妃步行。往摘星樓下。罵來。逕上樓。指定紂王罵曰。昏君。你成湯社稷。虧誰。我兄與你東拒海寇。南戰蠻夷。掌兵權。一點丹心。佐國家。未敢安枕。我父黃滾。鎮守界牌關。訓練士卒。日夕勞苦。一門忠烈。報國憂民。今元旦遵守朝廷國禮。

黃妃罵得也是
有理的
只是有
些箇夫
氣

進宮朝賀。乃敬上守法之臣。任信渰賤。誑彼上樓。昏君。你愛色不分綱常。絕滅彝倫。你有辱先王。污名簡冊。黃妃把紂王罵的默默無言。又見姐已側坐。黃妃指姐已罵曰。賤人。你淫亂深宮。蠱惑天子。我嫂嫂被你陷身墜樓。痛傷骨髓。趕上前一把抓住姐已。黃妃原有氣力。乃將門之女。把姐已拖番在地。捺在塵埃。手起拳落。打了二三十下。姐已雖然是妖怪。見紂王坐在上面。有本事。也不敢用出。只叫陛下救命。紂王看着黃妃打姐已。心有偏向上前勸解。紂王曰。不啻姐已事。你嫂嫂觸朕自愧。故投樓下。與姐已無干。黃

這光景
也不成
話說非
復朝廷
編紀

妃急攘之間。不暇檢點。回手一拳。悞打着紂王臉上。好昏君。你還來替賤人遮掩。打死了妲己。與嫂嫂償命。紂王大怒。這賤人反將朕打一拳。一把抓住黃妃後鬢。一把捺住宮衣。擄起來。紂王力大。望摘星樓下一摔。可憐香消玉碎。佳人絕。粉骨殘軀。血染衣。紂王摔了黃妃下樓。獨坐無言。心下甚是懊惱。只是不好埋怨妲己。且說賈氏待兒隨夫人往宮中朝賀。只在九間殿等。候到下晚。也不見出來。只見一內使問曰。你們是那裏的。待兒答曰。我們是武成王府裡的。隨夫人朝宮。在此伺候。內使曰。你夫人墜了摘星樓。黃

娘娘爲你夫人辨明。反被天子摔下樓。跌得粉骨碎身。你們快去罷。待兒聽說。急急回王府來。武成王在內殿。同弟黃飛彪。飛豹。黃明。周紀。龍環。吳謙。黃天祿。天爵。天祥三子。元旦良辰。歡飲。只見侍兒慌張來報。千歲爺禍事不小。飛虎曰。有甚麼事。報的這等凶。侍兒跪稟曰。夫人進宮。不知何故。墜了摘星樓。黃娘娘被紂王。摔下樓來。跌死了。黃天祿十四歲。天爵十二歲。天祥七歲。聽得母親墜樓而亡。放聲大哭。有詩爲証。

詩曰

忽聞凶報滿門驚。

子哭兒啼淚若傾。

烈婦有恩雖莫負。

忠君無愧更當誠。

左觀四友俱懷忿。

右觀三男苦痛情。

回首不堪重悒快。

傷心只有夜猿鳴。

話說飛虎聽得此信。無語沉吟。又見三子哭得酸楚。黃明曰。兄長不必躊躇。紂王失政。大變仁倫。嫂嫂進宮。想必昏君看見嫂嫂姿色。君欺臣妻。此事也是有。的。嫂嫂乃是女中丈夫。兄長何等豪傑。嫂嫂守貞潔。爲夫名節。爲子剛常。故此墜樓而死。黃娘娘見嫂嫂慘死。必定向昏君辨明。紂王逆愛偏向。把娘娘摔下。

國君不正必至是而後已

樓。此事再無他議。長兄不必遲疑。君不正。臣投外國。想吾輩南征北討。馬不離鞍。東戰西攻。人不脫甲。若是這等看起來。愧見天下英雄。有何顏立於人世。君既負臣。臣安能長仕其國。吾等反也。四人各上馬。持利刃出門而走。飛虎見四人反了。自思難道爲一婦人。竟負國恩之理。將此反聲揚出。難洗青白。黃飛虎急出府。大叫曰。四弟速回。就反也要商議。往何地方。投於何主。打點車輛。裝載行囊。同出朝歌。爲何四人。獨自前去。四將聽罷。回馬至府。下馬進了內殿。黃飛虎持劍在手。大喝曰。黃明等。你這四賊。不思報本。反

必至是而後已 義紂王 負愧多矣

陷害我合門之禍。我家妻子死於摘星樓。與你何干。你等口稱反字。黃氏一門七世忠良。享國恩二百餘年。難道爲一女人造反。你借此乘機要反朝歌。而徒擄掠。你不思金帶垂腰。官居神武。盡忠報國。而終成狼子野心。不絕綠林本色耳。罵的四人默默無言。黃明咲曰。長兄你罵得有理。又不是我們的事。惱他怎的。四人在傍。擡一桌酒吃。四人大咲不止。黃飛虎心下如火燎一般。又見三子哭聲不絕。聽的四人撫掌歡欣。黃飛虎問曰。你們那些兒歡喜。黃明曰。兄長家下有事撓心。小弟們心上無事。今元旦吉辰。吃酒作

周紀亦善說詞

樂。與你何干。飛虎氣不過。惱曰。你見我有事。反大咲。這是怎麼說。周紀曰。不瞞兄說。咲的是你。飛虎道。有甚麼事。與你咲。我官居王位。祿極人臣。列朝班。身居首領。披蟒腰玉。有何事與你咲。周紀曰。兄長。你只知官居首領。顯耀爵祿。身掛蟒袍。知者說仗你平生腦襟。位至尊大。不知者。只說你倚嫂娉姿色。和悅君王。得其富貴。周紀道罷。黃飛虎大叫一聲。氣殺我也。傳家將收拾行囊。打點反出朝歌。黃飛彪見兄反了。點一千名家將。將車輛四百。把細軟金銀珠寶。裝載停當。飛虎同三子。二弟四友。臨行曰。我們如今投那方

去黃明曰。兄長豈不聞賢臣擇主而仕。西岐武王三分天下。周土已得二分。共享安康之福。豈不爲美。周紀暗思。方纔飛虎反。是我犯將計反了。他若還看破。只怕不反。不若使他箇絕後計。再也來不得。周紀曰。此往西岐。出五關借兵。來朝歌城。爲嫂嫂娘娘報讐。此還是遲著。依小弟愚見。今日就在午門。會紂王一戰。以見雌雄。你意下如何。黃飛虎心上昏亂。隨口答應曰。也是大抵天道。該是如此。飛虎金裝盔甲。上了五色神牛。飛彪飛豹。同三侄。龍環吳謙並家將。保車輛出西門。黃明周紀同武成王。至午門。天色以明。周

紀大叫。傳與紂王。早早出來。講個明白。如遲殺進宮闕。悔之晚矣。紂王自賈氏身亾。黃妃已絕。自己悔之不及。正在龍德殿懊惱。無可對人言說。直到天明。當駕官啓奏。黃飛虎反了。現在午門請戰。紂王大怒。借此出氣。好匹夫。焉敢如此。欺忤朕躬。傳旨取披掛九吞八扎。點護駕御林軍。上逍遙馬。提斬將刀。出午門。怎見得。

冲天盔。龍盤鳳舞。金鎖甲。叩就連環。九龍袍。金光幌。月護心鏡。前後勞拴。紅廷帶。攢成八寶。鞍橋掛竹節鋼鞭。逍遙馬。追風逐日。斬將刀。定國安邦。只

因天道該如此。至使君臣會戰場。

黃飛虎雖反。今日面君。未免尚有愧色。周紀見飛虎愧色在馬上大呼。紂王失政。君欺臣妻。大肆狂悖。縱馬使手中斧。來取紂王。紂王大怒。手中刀。急架相還。黃明走馬來攻。黃飛虎口裡雖不言。心中大惱。曰。也不等我分清理濁。他二人便動手。殺將起來。飛虎只得催開坐下神牛。一龍三虎。殺在午門。這纔是。

詩曰

虎鬪龍爭在午門。

紂王無道敗彝倫。

眼前賢士歸明主。

目下黎民叛遠村。

三畧有人空執法。

五關無路可留關。

忠孝至今傳萬載。

獨夫遺臭極稱尊。

君臣四騎殺三十回合。紂王刀法展開。其勢真如虎狼。三員大將。使開鎗斧。紂王抵敵不住。刀尖難舉。馬往後坐。將刀一掩。敗進午門。黃明要趕。飛虎曰。不可。三騎隨出西門。來趕家將。一同行走。過孟津。不表。且說紂王敗至大殿坐下。懊悔不及。都城百姓官員。已知武成王反了。家家閉戶。路少人行。又聞天子大戰黃飛虎。百官忙入朝。見紂王問安。曰。黃飛虎因何事造反。天子怎肯認錯。乃曰。賈氏進宮朝賀。觸忤皇后。

紂王曰
報于言

自己墜樓而死。黃妃倚仗伊兄，恃強毆辱正宮，推跌下樓，亦是悞傷。不知黃飛虎自己因何造反，殺入午門，深屬不道。諸臣為朕作速議處。百官聽紂王言，說皆默默無語，莫敢先立意見。正沉思間，探事馬報進午門曰：聞太師征東海，奏凱回兵，百官大喜。齊辭朝上馬，出郭迎接。只見人馬遠遠行至，中軍官報入營中曰：啓太師，百官轅門迎接。聞太師曰：衆官請回。午門相會。衆官進城至朝門，見聞太師騎墨麒麟來至。衆官躬身。太師曰：列位請了。衆官同進朝見天子。行禮畢，起身不見武成王。太師心下疑惑，奏曰：武成王

為何不來隨朝。王曰：黃飛虎反了。太師驚問為何事。反。紂王曰：元旦賈氏進宮朝賀中宮，觸忤蘇后，自知罪戾負愧，墜樓而死。此是自取。西宮黃妃聽知賈氏已死，忿怒上樓，毀打蘇后，辱朕不堪。是朕怒起相讓，悞跌下樓，非朕有意。不知黃飛虎輒敢率衆殺入午門，與朕樹敵。幸而未遭毒手，今已擁衆反出西門。朕正在此沉思，適太師奏捷，乞與朕擒來，以正國法。太師聽罷，勵聲言曰：此一件事，據老臣愚見，還是陛下有負于臣子。黃飛虎素有忠君愛國之心，今賈氏進宮朝賀，此臣下之禮，豈有無故而死。况摘星樓乃陛

此老差
強人意

下所居與中宮相間。賈氏因何上此樓。其中必有主使。引誘之人。故陷陛下于不義。陛下不自詳察。而有辱此貞潔之婦。黃娘娘見嫂死無辜。必定上樓直諫。陛下亦不能容受逆愛偏向。又將黃娘娘摔跌下樓。致賈氏而怨死。黃娘娘遭冤實君有負臣子。與臣下何干。况語云。君不正則臣投外國。今黃飛虎以報國赤衷。功在社。不能榮子封妻享久長富貴。反致骨肉無辜。慘死。情實傷心。乞陛下可赦黃飛虎一槩大罪。待臣追趕飛虎回來。社稷可安家國太平。百官在傍齊言。太師處之甚明。無不欽服。望陛下速降赦旨。

多此一
番議論
便生無
限事端
君子所
以不貴
多言

大事定矣。聞太師又曰。此是天子負臣。故當赦宥。若果飛虎有負君之處。只怕老臣一時之見。還有禮當說者。即行商議。不可有悟國事。班中閃一員官。乃下大夫徐榮出見。聞太師曰。大夫有何議論。榮曰。太師所言雖是。天子負臣。黃飛虎也有忤君之罪。太師曰。大夫何以見得。榮曰。君欺臣妻。天子負臣。不顧恩愛。摔死黃娘娘。也是天子失政。黃飛虎豈得率眾殺入午門。聲言天子之罪。與天子在午門大戰。臣節全無。故武成王也有不是。聞太師聽說。乃對諸大臣曰。今諸臣朦朧。只談天子之過。不言飛虎之逆。乃傳令吉

立徐慶快發飛檄傳臨潼關佳孟闕青龍關三路總
兵不可走了反叛待老臣趕去拿來以正大法不知
凶吉何如且聽下面分解

總批

姐已欲快私讐不顧禮義綱常致陷君子不
道逼飛虎之叛亂此皆長舌之婦啓之也書
曰牝雞司晨牝雞之晨惟家之索凡有不國
之責者幸察於斯

又批

賈氏烈婦也寧死而不受君辱雖見之真然

事出一時不暇籌畫所以竟成其是飛虎忠
臣也不肯因一婦人而失其節此見極是殆
至沉思遲疑須來周紀之激必竟成其叛逆
聞仲謂君有負于臣議論極是及至轉一議
便生出無限事端不能瓦全其美良可悲矣
大抵天下事成於初念敗於轉念好惡皆然

